

Nanzningz:

Sam Nyied Sam Gwnz Muengx Yinxdaeuz Hix Caen Lai

Liggaeuq Sam nyied sam, dwg aen ci et conzdungj Bouxcuengh, vih hawj hagseng engq lai rox gij fungsug ngoenzci et Bouxcuengh, Nanzningz Swhfan Dayoz Bouxcuengh Vwnzva Hezvei gawjbanh “Angq Gvaq Sam Nyied Sam, Swnjiep Vwnzva Raeuz” hozdung, youq gwnz muengx, daiq daihgya roxyiuj Sam Nyied Sam Gvangjsih.

Baez hozdung neix youq gwnz muengx hopheux “Angqhoh Ngoenzci et Sam Nyied Sam, Caez Yawj Gingj Ndei Dieg Betgveiq”, yungh lai cungj hingzsi k langhbaij gij funghcingz “sam nyied sam” mbanjranz swhgeij. Miz mbanj baijok gij mbawsiengq haeux-naengj haj saek caeuq ceizngaih daengj lai cungj gijgwn ngoenz “sam nyied sam” ingj haenx; miz mbanj guh

aendomq caeuq dajsiuq daengj gungh-yibinj fwngzguh miz minzczuz daegsaek Bouxcuengh; lij miz mbanj gag ingj-guh sibinz eufwen、daxgoeng daeglan guhcaz daengj. Doengh gij cozbij neix, cungj doenggvaq gij gunghcunghau Bouxcuengh Vwnzva Hezvei doisoengq fatbiuj, hawj engq lai vunz caez yiengjsouh.

Baez hozdung neix, haeujlaeg gamjsouh conzdungj vwnzva Bouxcuengh, hawj hagseng gag rox baujhoh minzczuz vwnzva、gyalaeg ndiepgyaez minzczuz caeuq guekcoj, caemhcai q ndaej doidoengh hagdangz minzczuz doxgi et cinbu.

(Cwngz Danhyingj/成丹颖 *Sung Cihlinz/宋秋霖 Fanz Yijsuij/樊雨水 Cinz Meijgyah/覃美嘉 Loz Yungj/罗永*)



▲Cozbij hagseng ingjsiengq guh haeuxnaengj haj saek.

Lozcwngz: Giyez Fukgoeng Fukcanj

4 nyied 3 hauh, youq ndaw Gvangjsih Lozcwngz Sunghswng Denswj Gohgi Youjhan Gunghswh banggunz cehgenh, bouxguh hong cingq guh gij canjbij wjgih. Bineix doxdaeuj, Lozcwngz Mulaujcu z Swciyen guh ndei fuengzre gaemhanh binghra q caeuq fukgoeng fukcanj, comz 5 fanh aen goujcau soengq hawj daengx yienh 48 aen giyez, caemhcai q yungh sim doidoengh gak hangh cwngcwz ikleih giyez saedhengz daengz dieg, hai doeng diuzroen giyez fukgoeng. Seizneix, daengx yienh sojmiz giyez cienzbouh fukgoeng fukcanj, ciemq beij 100%, miz 3599 vunz ndaej dauq fukgoeng, dauq gangj beijlwd 95%.

(Mungz Cwnghswh/蒙增师)



▲Bouxguh hong cingq guh hong.



▲Hagseng swhfan ciennieb cingq lienh hwnjdangz.

Nanzningz: Hagseng Cuengh Gun Song Saw Vah Lienh Hwnjdangz

Souh binghra q sinhgvanh feiyenz yingjyangj, gyoengq hagseng Nanzningz Swhfan Dayoz 2017 gaep siujyoz son'gyauq ciennieb (Cuengh Gun song saw vah fuengyiengq) cingq youq gwnz muengx lienhguh son- gyauq. Lienhguh son'gyauq dwg hagseng swhfan ciennieb yiengh hong youqgaenj ndeu. Codaengj gyauyuz yozyen gyoengq lauxsae guhhong dazyinx haenx faen bu ek haeuj aen gyoengq QQ dazyinx hagseng beigo、sij son'gyauq fueng'anq, dingq hagseng sawq lienh son saw. Hagseng siujyoz son'gyauq ciennieb (Cuengh Gun song saw vah fuengyiengq) gunghfei dinghyiengq dingzlai dwg vunz lajmbanj, bungz hojnanz cungj ndaej nyinhcaen lienhguh. Gag aeu bangxciengz guh hwzbanj, ndaw ranz gyukcauz lai couh aeu dieg dinghcaemh rog doengh guh gyausiz, saenqhauh ca couh seiqlengq byaij ra saenqhauh…… 146 boux mbouj miz saek boux sinhcingj doilaeng. Guh caez gij hong gwnz muengx.

(Loz Yiyen/罗聿言 *Veiz Siuh'ai/韦育爱 Cinz Cozli/覃作利 Veiz Cuhminz/韦朱民*)

Yizcouh: Doenghnaz Gyaeundei Nyaengq Ndaemcin



▲ Yizcouh Gih Sizbez Cin boux-ndaemnaz cingq cae naz .

Mboengqneix, Hozciz Si Yizcouh Gih mbwn ciemh raeuj lo, fwraemx cuk, cienzmienh haeuj daengz aen geiqci et hongnyaengq ndaemcin, gingj-saek seizcin caeuq doenghnaz gyaeundei gapbaenz fuk doz ndeu, gyaeundei dangqmaz. Youq ndaw doenghnaz Yizcouh gak aen yanghcin, gizgiz cungj guhhong nyaengqnyatnyat, aen gihgi cae rauq、aen dohlahgih youq ndaw reih baedauq dajcae, boux-ndaemnaz ciengj ca seiz nyaengq bingzcingj reihnaz、ganq gomiuz、goemqmoz、dajndaem, bauj bi siujganh nungzyez fungsou.

(Cinz Fanghswh/覃芳思)